

**Pertussis yog dab tsi?**

Nnoos qhuav (Pertussis) yog ib hom kab mob uas kis tau zoo heev uas ua mob rau hauv txoj hlab pas.

**Leej twg thiaj kis tau tus mob hnoos qhuav no?**

Tus mob no yuav raug rau txhua tus neeg, tiam sis yuav raug heev dua rau cov me nyuam mos liab thiab cov me nyuam yaus.

**Tus mob hnoos qhuav no kis tau li cas?**

Tus mob no kis tau los ntawm cov qaub ncaug uas dhia tawm tuaj thaum tus neeg mob hnoos. Qhov kheev kis tau yog los ntawm qhov nyob ua ke hauv tsev heev. Kev sib kis ntawm ib tsev neeg yog ib qho pom ntau.

**Cov tsos mob ntawm tus mob hnoos qhuav zoo li cas?**

Nyob rau ntawm cov me nyuam mos liab thiab me nyuam yaus, tus kab mob no pib zoo li tau khaub thuas los ntswg, tej zaum kub tob hau me ntsis thiab hnoos me ntsis mus li 1-2 lub lis piam (week). Tus mob yuav loj zuj zus mus ua rau qhov hnoos heev heev, ua tsis tshua taus pa, tsis tau zoo noj mov thiab pw tsis taus, ua rau ntuav thiab sab heev. Tom qab hnoos tas, tus neeg mob ntawd yuav ua pa hawb heev xws li sib zog qus pa (uas kuj hu ua "hawb pob").

Qhov hnoos no yuav hnoos heev heev mus li ob peb lub lis piam mus txog li ob lub hlis los ntev tshaj. Nyob rau ntawm cov me nyuam hlob zog, cov hluas thiab cov laus tus mob ces kuj khees zog thiab tsis tshua muaj qhov hawb hawb.

**Cov teeb meem uas yuav muaj nrog rau tus mob hnoos qhuav yog dab tsi?**

Nyob rau ntawm cov me nyuam mos liab tsis tau muaj 6 hli, qhov pom ntau ces yog tau tus kab mob txheem dej rau hauv lub ntsws (17%) ces muaj kev cuam tshuam rau nws cov leeg xws li mob chua leeg (2.1%) thiab ua rau lub hlwb o tuaj (0.2 %). Tus kab mob no kuj yuav ua rau tus neeg ntxaug heev los ntawm noj haus tsis taus mus pab rau lub cev ua rau lub cev qhuav. Coob tshaj ib nrab ntawm cov me nyuam mos uas tau tus mob hnoos qhuav yuav raug mus pw hauv tsev kho mob.

**Yuav ntev npaum li cas tom qab kis tau tus mob lawm cov tsos mob mam tshwm?**

Feem ntau yog 7-20 hnuv.

**Thaum twg thiab yuav ntev npaum li cas tus neeg mob thiaj kis tau tus mob rau lwm tus?**

Mob hnoos qhuav yog ib tug kab mob kis tau zoo tshaj thaum tshiab tshiab ua ntej hnoos heev heev. Kev kis tau mob hnoos qhuav yuav yog mus li peb lub lis piam los ntev tshaj tom qab pib hnoos lawm. Yog pib noj tshuaj tua kab mob thaum ntxov yuav txo tau lub sij hawm sib kis tus mob los mus rau 5 hnuv.

**Puas muaj kev kho tau tus kab mob hnoos qhuav?**

Muaj plaub hom tshuaj tua kab mob uas siv kho cov mob hnoos qhuav es yuav txo tau sij hawm sib kis mob kom luv. Koj tus kws kho mob mam xaiv ib hom ntawm cov tshuaj no los kho koj. Hom tshuaj tua kab mob yuav muaj xws li cov azithromycin uas noj mus li 5-hnuv, noj cov tshuaj clarithromycin mus li 7 hnuv, los yog noj cov erythromycin los yog trimethromycin/sulfamethoxazole (TMP/SMX) mus li 14 hnuv,

Cov neeg mob hnoos qhuav yuav tsum tsis txhob mus kawm ntawv los yog mus ua hauj lwm mus txog li 5 hnuv tom qab lawv pib noj cov tshuaj tua kab mob lawm. Yuav tsum noj cov tshuaj tua kab mob uas tseem tshuav raws nraim li kws kho mob hais kom noj.

**Yuav ua li cas thiaj tiv thaiv tau tus mob hnoos qhuav?**

Pom zoo kom nrhiav kev kho rau cov neeg uas kuj tsis muaj mob tab sis nyob ua ke nrog (tshwj xeeb hauv tsev neeg) tus neeg muaj mob los mus tiv thaiv los yog txo kom tsis txhob raug tus mob hnyav heev. Yog muaj tus kis tau mob es pheej hnoos heev, yuav tau mus kuaj seb puas yog mob hnoos qhuav. Cov neeg uas paub tseeb tias mob lawm los yog tsam mob hnoos qhuav tiam sis tsis tau cov tshuaj kom yog los noj yuav tau muab lawv cai mus li 3 lub lim piam.

**Ua li cas thiaj paub tseeb hais tias yog mob hnoos qhuav?**

Qhov yuav paub tseeb ces yog muab kev tshuaj ntsuam hu ua Polymerase Chain Reaction (PCR) los yog muab pas rwb mus tub hauv qhov ntswg mus kuaj thaum nyuam qhuav pib mob. PCR yog txoj kev tshuaj ntsuam uas yuav sim seb puas yog mob hnoos qhuav.

**Yuav ua li cas thiaj tiv thaiv tau tus mob hnoos qhuav no?**

Kev txhaj cov tshuaj Pertussis (aP) rau cov me nyuam mos liab thiab cov me nyuam yaus thaum hnuv nyoog 2, 4, 6 thiab 15-18 hli, nrog rau ib koob tshuaj thaum hnuv nyoog 4-6 xyoo. Koob tshuaj no muaj cov tshuaj Diphtheria thiab Tetanus uas yog hu ua DTaP. Thaj tsam li 80% ntawm cov me nyuam uas tau txhaj cov tshuaj no 3 zaug pom tau hais tias ua hauj lwm zoo; thiab kev tiv thaiv rau lwm yam mob hnyav kuj yuav pab tau ntau tshaj. Kev tiv thaiv kuj yuav ploj zuj zus mus tom qab 3 lub xyoos. Cov neeg uas raug tus mob hnoos qhuav tom qab txhaj cov tshuaj lawm kuj tsuas mob me ntsis xwb. Yeej pom zoo kom ziag no mus txhaj cov tshuaj DTaP rau cov me nyuam muaj 2 hlis mus txog hnuv nyoog 6 xyoo. Yuav tsum tsis txhob txhaj cov tshuaj Pertussis rau ib tug neeg uas muaj 7 xyoo los yog hnuv nyoog siab dua vim hais tais cov tshuaj txhaj no kheev yuav ua rau muaj teeb meem (vaccine reactions). Ib hom tshuaj txhaj zoo mob hnoos qhuav rau cov hluas thiab cov muaj hnuv nyoog tau tso cai muab txhaj rau xyoo 2005. Hom tshuaj no hu ua Tdap, tau keev kom muab txhaj ib koob rau cov me nyuam hnuv nyoog 11-12 xyoos. Nws kuj tseem kom muab txhaj ib koob rau cov muaj hnuv nyoog lawm thiab.

**Yog twb raug tus mob hnoos qhuav yav tas los lawm puas yuav raug ntxiv lawm?**

Tau pom tias qhov raug tus mob hnoos qhuav lawm yuav tiv thaiv tau kom txhob raug ntxiv lawm. Tiam sis, kuj tsis paub hais tias txoj kev tiv thaiv (immunity) ntawm lub cev los ntawm kev mob yav tas los yuav mus ntev npaum li cas.